

光緒重修安徽通志

重修安徽通志卷一百九十

人物志

宦績 十三

甯國府

國朝孫襄字惠可宣城人前明甲戌進士順治甲申授刑科給事中時方用兵諸司決獄多意爲輕重襄請議定律令刊布成書爲畫一之制遷吏科左給事中請定計典勵官守又嘗請駐防兵毋奪民居前後疏多嘉納甯郡貢黃連非方物也襄力言於操江巡撫得減免三之二郡人賴之

一統志

吳六一字聖水宣城人順治丁亥進士授青州司理時兵燹甫定六一馭以寬和以薦遷刑部郎出守福州閩俗市居多垣以竹一日火發幾不能救六一籲天請以身代燄立熄

甯國府志

王應臣太平人順治初以貢生官曲江丞升普甯令城邑初定焚掠甚慘應臣設計贖難民一百八十餘家蠲除徭役民慶更生邑爲樹碑紀其德

太平縣志

胡尚衡字辰玉涇縣人順治壬辰進士授都水司主事時以輦轂道狹議撤兩街房屋以廣之尚衡請止去市廛前檐數尺報可遷郎中擢浙江提學僉事校臨諸郡進諸生勛以理學淵源朝廷典制補湖南參議道盡裁陋規於驛傳鹽法尤悉心規畫朔望必詣嶽麓書院講學以老乞休

江南通志  
浙江通志

秦才管字尾仙南陵人與兄仁管同登順治丁亥進士授戶部主事升郎中司榷蕪湖省苛稅便賈舶擢陝西提學僉事會病聞父母喪一慟而絕諸僚斂金歸其櫬仁管字凱人以郎中補陝西靖遠道督開墾修城垣與民休息奉裁改大名道後爲蒼

梧驛鹽道歸

江南通志  
甯國府志

洪啟權字玉衡甯國人順治戊戌進士知安福縣清宿逋絕賄賂時山民爲亂殺前令上官發卒征剿啟權單騎抵巢賊皆出迎曰洪公活我矣令自縛其首餘黨悉安以清直忤大吏歸民遮道哭送

江南通志  
甯國府志

洪啟槐字廷植甯國人順治乙未進士知南江縣南江當寇亂後居民寥落啟槐巡行閭里徧給牛種民得復業出俸贖民間所鬻子女擢戶部主事以練達稱尋出樞九江轉郎中仕至貴州提學卒於官

江南通志

劉儀恕涇縣人順治十三年知武定州革除里中買喂驛馬及

錢糧添料解費等項民困大蘇

一統志山  
東名宦

王辰字象北旌德拔貢任柳州府通判攝府篆地瘴民徭多方

撫馭署來賓縣事奉勘鎮安歸順二土司爭地剖斷咸服調補

山陽知縣招流墾荒救災禦患歷官二十餘年清潔如一

甯國府志

崔瑤字玉及太平人順治甲午舉人知襄陽縣革宿弊懲吏胥減耗息訟興學勸農邑有妖祟驅之不得訴於縣瑤移牒城隍

自責責神是夕妖絕咸謂正直所感

甯國府志

阮士鵬號巖山宣城舉人知海豐縣時海寇歲逼瀕海者皆內徙士鵬晝夜勞瘁葺屋居給牛種民甚賴之碣石衛弁蘇利之變士鵬詢得其狀密白幕府得豫爲備及大師進討芻粟供億一以整暇應之賊平量移許州治績甚著致仕歸

江南通志

劉堯枝字根生宣城舉人署建德教諭勤於課士改建學宮於城內升廣東清遠知縣縣故衝要屢經兵燹官署蕩然堯枝關草萊倡建學宮省徭役以寬民力疾歸

甯國府志

張金度字旭原宣城舉人授邠州知州邠俗勤儉喜稼穡戶殷

饒金度律身以廉潔爲治務教化告歸囊橐蕭然

甯國府志

王世美字濟之涇縣歲貢知陽江縣時嶺表初平撫綏有方遷梧州同知擢桂林守以老請歸士民號送數十里不絕年九十

卒

甯國府志

趙善增字公受涇縣人以薦授雷陽推官時嚴疆叢勝督餉犒師釐奸剔弊郡賴以安調肇慶推官改瓊州教授著有兩郡理

言自記其事

甯國府志

王奐字賡阿南陵拔貢知奉化縣始至治姦胥之乾沒者設綱簿詳載里中總數田地山蕩丁口按則科糧瞭如指掌從平舟山督造戰船經畫有方應期立辦歷知河間府決大獄無株累曾會讞羣盜獄已具辨其枉出之眞盜尋得眾驚爲神遷山東

都轉運使卒於官

一統志浙江名宦甯國府志

張鳳徵字威鳳宣城拔貢知陵水縣縣當兵燹之餘撫定流移

興復學校政化大行三十九峒聞風嚮化生黎亦無爲患者以

卓異徵會卒邑人祀之

一統志

汪觀字容若宣城人順治己未進士知湘鄉縣下車卽申復廢

站蘇驛困興絃誦賑饑民革耗羨冗役令訟者自相勾攝輸稅

者使自兌在任一年以母艱哀毀卒湘人祀之

湖南通志江南通志

張湛逢字清源宣城人順治己亥進士官山西臨晉縣土俗景

漓難治湛逢興利翦弊愛士息民彌巨憊遏亂萌泣任三載士

民悅服致仕歸民爲建生祠祀之

甯國府志

鍾無瑕字缺如宣城拔貢知汜水縣首獨俸修學宮勤於課士

汜俗寢寢向化邑苦里賦不均請於上官以熟地六分荒地四

分爲一里併強弱苦樂而均之賦乃平後補富川縣地多盜無  
瑕誘致其豪斃於獄境始甯力除賦羨並完前令積逋邑大治  
升知光州未任卒

江南通志

梅欽字立生宣城貢生授黃州通判升知崖州請豁免荒米軍  
屯米各千餘石時用兵後并邑蕭條欽勞來撫循民歸若市在  
任七年多惠政尋調大同知府卒於官

一統志廣東名宦

焦鵬字扶九太平貢生知新城縣地當孔道軍興旁午供億浩  
繁鵬多方支應百姓不擾以勞卒囊橐蕭然邑人購斂歸其喪

富國府志

譚啟運字翼茲太平歲貢任甯波通判奉檄修象縣城蛟門置  
礮臺豪有力者多方乞免啟運峻絕之力役維均刻日歲事兩  
攝鄞篆羽書旁午總十一郡餉事事無不治遷知茶陵州歲荒



蜀美補救多善政

湖南通志  
甯國府志

周光啟字旭上太平舉人知遂安縣裁革溢額歲減羨餘五千餘兩民困以蘇當前明時光啟曾叔祖恪曾任是邑有惠政啟以疾卒官民號泣罷市與恪同祀瀛山書院

甯國府志

焦鼎字玉屏太平人官沂州州同城中地震房屋傾塌死傷萬計鼎捐俸葺其屋助其喪沂人感泣改任泰州值戎事倥傯悉力捍衛軍興無缺謝病歸

甯國府志

陳兆昇字爾旭太平人以明經知雲南磻嘉縣磻嘉士樸民悍兆昇恩法並用蠶凌潛革民閒多竹籬蓬戶兆昇教以版築並墾闢荒土民甚利之卒於官兆昇少師宣城沈壽民沈蒙難走數千里迎之歸施閭章方之馬時中之於程伊川

甯國府志

文敦元字良吉涇縣人少與兄啟元共受學於楊廷樞皆以能

文名啟元晚不應試敦元由貢生任廣西懷遠令縣當新聞招

徠撫綏遠至邇安

廣西通志

趙如郊字南中涇縣人康熙初官陝西按察副使分巡甯夏兵

糧屯田鹽法軍務兼提學僉事在官未久吏民懷之

甯國府志

翟皓原名敷治字羽侯涇縣舉人官婺源教諭訓課諸士人咸

謂先生施教必本於不屑不潔而和氣迎人如春風之拂萬物

以故人樂其教既卒婺邑公舉崇祀名宦

甯國府志

王雲龍字雲從涇縣舉人官懷甯教諭訓迪有方顏其署曰鐸

隱且和平溫雅如坐春風皖士之無陽鱗躍冶者俱其所默化

也少與溧陽陳名夏相友明季陳以避難來奔雲龍多方庇脫

及登揆遂不肯復見卒於官士人俱哀思之

安慶府志涇縣志

趙時可字考叔涇縣人康熙丁未進士知岳陽縣邑多逋負時

可捐俸不足並鬻衣裝以代償之滌弊除奸廉明最著升應州

知州乞歸

甯國府志

梅鎬字爾止宣城人康熙丁未進士知大甯縣嚴取舍善聽訟戒吏胥不得受百姓一錢吏胥多化之除監察御史疏論漕艘沿途積弊又以鄉會定限太速請展期詳閱並正文體俱允行累遷副都御史巡撫福建

聖祖仁皇帝親書摠誠信三字賜之閩西郭外晉時鑿湖潯水歲久漸淤歷元明幾爲平陸鎬按圖經返侵地募民疏濬田廬不憂浸暘舟楫通行又疏請積穀備賑會歲饑便宜平糶民賴以濟撫閩三載凡海邦名勝先賢遺蹟悉加表揚琉球歲貢向有私覲之例卻而不受貢使肖像歸祀官四十餘年未嘗以家屬自隨

仕至左都御史致仕歸

一統志 甯國府志 福建通志

王正一太平貢生康熙二年知萬縣耿介自持治行冠一時解

任日民遮道畱之

四川通志  
新增

阮爾詢字于岳宣城人康熙壬戌進士由庶常改御史湖廣以制府兵變議裁總督爾詢疏言楚地數千里兩巡撫分疆地廣勢懸於形勢非便請仍設總督以重彈壓民間輸賦其印票存民官吏或借核查收票不卽給每以無據重征請一切串票並用三聯一貯官一存驗一付民以杜宿弊並允行爲順天尹以京師多游學之士請另設籍錄生童時論譴之累官工部左侍郎卒

賜祭葬

江南通志  
甯國府志

楊綠字巽居宣城舉人知甯都縣甯都俗頑獷綠撫以恩信民有犯者反覆開導至垂涕民感其德生祠之通判某以事行屬

邑虐使民民相率擲瓦以詬絲馳諭之眾遙望斂手曰我公來

擁馬首羅拜而散以老致仕老穉數千人拈香泣送

南國府志

耿世際字虞賡宣城舉人知東莞縣縣濱海多盜世際撫輯有

方盜盡歸農歲徵額賦故有羨金六百餘世際曰此民膏也何

忍自肥盡以抵民間積逋每擬重刑輒流涕自責民皆感化致

仕歸紳士爲刻寶安紀言立碑祠祀

南國府志

方伸字佐平南陵人康熙己未進士由庶常改主事出知登州

府歲旱蝗起爲文禱於神蝗盡赴東海死郡人立石蓬萊閣以

志異調汀州府汀境箐峒阻深峒戶負隅伸單騎往諭皆聽命

丁亥夏蛟發水漲衝城齧指血書文以禱城隍水立退尋移疾

歸士民送者接踵子士珣有文名雍正癸卯舉人

江南通志

梁于淇字儀武南陵舉人任崑山教諭捐俸倡修學宮教督諸

生寒暑不懈遷知廣西貴縣革編糧加耗兵米外增水腳諸弊俗喜爭鬪盤踞深阻爲奸于淇以德化之俗寢以馴卒於官邑

人建祠於南山祀焉

廣西通志

黃學勲字敏若南陵舉人秉鐸蒙城日與諸生以文行相砥礪遷貴縣知縣除巨猾革宿弊招集流亡開墾荒蕪以卓異升沔

陽知州

甯國府志

葉兆斗字樞臣涇縣貢生知沁源縣清白自守會開墾令下兆斗以沁源傷殘未久當事休息力請於上官權緩其事民賴以安同邑葉代生亦以貢生知宜都縣以治行聞

甯國府志

胡其旦字公待涇縣拔貢知信陽縣政寬刑簡釐弊剔奸時饑饉捐俸倡賑富民由此樂助全活無算鳩工構造講堂選俊秀

子弟延名宿教之多所造就遷永甯知州

甯國府志

胡岑齡號右亭涇縣舉人知華亭縣適黃河水溢決地數千頃民逃糧欠代爲捐賠招徠復墾調維南商河行義倉法歲數款民賴以濟甯國府志

施雲翔字介城宣城人康熙丁丑進士知德興縣歲大祲捐俸糴穀以賑擢御史河南陝西山西三省商人以中官吞陷資本數十萬伏闕號冤三司勘問從輕議具疏雲翔不署名

上復命雲翔嚴鞫中官陰遣人袖千金請雲翔叱之去按以法旗官某殺仇人於廨事發誣其師雲翔調知嚴訊得其實冤乃雪歷臺官十餘年剔弊釐奸清績最著以年老乞休甯國府志

湯士蛟字騰九宣城舉人知婺川縣苗蠻雜處地瘠民貧歲饑卽發倉賑濟民困得蘇又捐資創書院文教以興甯國府志

胡岳齡字又申涇縣人以選貢知金鄉縣歲浹饑多方隱卹擢

戶部主事轉刑部山左數百人以墾荒誤犯禁地議置重典岳

齡力爭得從寬議升員外郎乞歸

甯國府志

胡承謀字貽仲涇縣人康熙庚辰進士知陽江縣地濱海多盜練鄉勇巡緝盜爲衰息士風不振以時考校登賢書者始眾署高要篆有豐樂圍圩田千頃歲苦潦捐千金築隄得無患至今稱胡公隄升知福州坐事免復起知湖州府修葺安定書院延名儒訓士城南有淤池爲築隄種植以充土子膏火年老告歸

囊橐蕭然

甯國府志

翟鎬字晞顏涇縣副貢任黟縣訓導訓課士子如家人子弟黟

由是人文蔚起升列上學遷邳州學正士皆遠餞泣送弟鐔字

龍文以貢任懷甯訓導訓士有方改兵馬司吏目以病歸

甯國府志

張士驤字偶韓宣城人康熙癸未進士知靈璧縣有廢瑯驕橫



不法邑人苦之一日士驤方升堂璫由中門入詣堂上似有所

關白士驤叱左右麾之璫屹立瞋目口叟叟左右莫敢動士驤

怒手扶之投階下立殞民大快以艱歸服除補泰順縣縣故荒

僻民居寥寥多方安輯戶口漸增尋攝永嘉溫州守徐涵樂清

令張廣居丁艱以虧項不得歸士驤爲捐俸轉貸以濟又攝樂

清開盤石河數十里調知台州太平以忤上官引疾歸

甯國府志

後天祐字于萬宣城舉人知溫江縣裁汰舊弊凡民間供帳悉

擯不用縣自張獻忠之亂民散田蕪及昇平日久所召墾盡成

沃土涎其腴者執舊業爭贖交訐天祐曰向賤鬻以逃賦今欲

坐享成利不可訓爭者帖然以病卒民悼惜之

甯國府志

劉楷字子端南陵人康熙己未進士授中書舍人典試福建稱

得人擢給事中疏論督撫保舉學臣及河工保題官員之弊請

杜師巫邪說禁小說淫詞指陳深切

聖祖仁皇帝嘉納允行又密具相臣柄政一疏如奏罷斥輦下肅然擢  
通政司參議轉鴻臚寺卿奉

命祭告陝西黃帝以下諸陵屏絕供億還升右通政轉光祿卿致仕杜  
門著述置義田以贍族人南陵向爲中學引河南葉縣例請諸  
當事題改大學邑人德之

一統志  
江南通志

程天衢南陵貢生授階州同知壤接西番治境遼闊同知署另  
設於西固城分理民事天衢泣任除宿弊賑災荒惠洽黎庶威  
誓番人以承重艱歸遂不復起

甯國府志

萬國號雲坡南陵選貢授知縣改亳州學正與多士相切劘人  
文丕振五護州印清操如一日州城延燒千餘家出粟以賑升

鳳陽教授以疾歸

甯國府志

施翊甯國舉人知武甯縣清宿弊免漕米餘費縣界連山田畝

混淆翊逐一鱗比釐爲清冊一邑肅然致仕歸

甯國府志

崔銑字晃先太平舉人知建安縣除蓄牛稅革編審私派民便

之爲紀德於碑邑有朱子家廟久圯銑爲葺之以母艱歸越三

年建安紳士聞銑壽走數千里製錦來祝銑性孝服除遂守墓

不起

甯國府志

梅穀成字玉汝宣城人文鼎孫康熙壬辰由諸生

召入

內廷

賜舉人進士授庶吉士旋授編修少承家學精於歷算

聖祖仁皇帝特書承學堂額

賜之性耿介選於理學雍正中以御史巡漕通州岸無粒米河無滯舟

世宗憲皇帝特旨獎諭爲巡漕法選通政司參議乾隆初擢順天府丞  
歷光祿寺少卿鴻臚寺卿奏升祀有子於堂又奏正一真人不  
當廟朝班風采卓然累官左都御史致仕卒

賜祭葬諡文穆

一統志

王輔字左星南陵貢生知永和縣縣俗荒陋首崇學校月三課  
親爲殿最以示鼓勵舊額費從丁派豪強地倍而差不及輔著  
令費準地派凡逃亡者俱復業尋病卒邑人惜之

甯國府志

梅元南陵人康熙二十一年普甯縣雲落徑巡檢至則編戶口  
冊一街一巷必於隘口設柵以街中人司之計戶值宿週而復  
始又令各舉老成者名街長使董一街之事月之朔望集紳耆  
講誦六箴畢卽按冊躬履清查雖窮村荒堡不憚寒暑不計信  
宿也泣任三月道不拾遺有訐訐者一語卽解終元之任雲落

徑無盜賊無涉訟者或餽遺則堅卻曰無德於民安可擾為在任三年以憂歸民至今思之

廣東通志  
新增

劉運灝字鴻起南陵人光祿楷之子知贊皇縣縣萬山中與晉接壤為述逃藪舊設戍兵於王家坪兵悍為民病灝威惠兼行兵民帖息徵輪改為條編閭邑稱便上官重其才凡鄰邑捕蝗監賑查視河工悉以委灝所至有聲以艱歸送者道塞

南國府志

劉運斛字西臨南陵人康熙戊戌進士授檢討充實錄館纂修遷御史巡視南城嚴緝奸匪商民感戴歷工科都給事尋授惠潮海道倣刁風除陋習豪猾斂跡後知雷州府清介勤慎以勞

卒官

南國府志

程繩武字念孚太平人康熙庚辰進士知文安縣邑有蝗災親巡隴畔撲捕稼得無害緝保定事值河決食宿河干齋戒泣禱

波平隄立以母老乞歸

甯國府志

胡嘉生字會伯太平貢生官武岡州同解餉雲南有勞績在任七載未嘗一事干州牧一錢累州民引疾歸同邑胡文煥字星若以舉人授中書出知大甯縣悉革陋規攝隰州相城東隅爲

建文昌樓人文始盛士民祠祀焉

甯國府志

陳書字獻惟太平人力學能文尤諳韜略康熙戊午大兵克復滇黔書挾策謁征南大將軍多所贊畫隨選湖廣江華令修濬城池安輯百姓咸有方略歷署曲靖同知時調發旁午書剴撥煩劇不遺餘力以勞卒官年僅三十五

甯國府志

胡柏齡字堅仲太平舉人知武平縣邑好訟輕生柏齡愷切理喻積習頓改歲饑請發倉減糶次年又饑奉文採買平糶轉解數千里不辭勞瘁民立生祠祀之因領帑米水溼賤糶虧官坐

免民爭助之尋得釋甯國府志

孫鎬字西涯太平舉人知臨潁縣尋知簡州土司有嫡庶爭立

者擁兵相持命使往卽殺之鎬從數騎齎詔往從容詢所宜立

若未嘗有詔者久之益習樽酒招延嫡庶咸與席一日鎬指北

山曰今九日宜登高嫡庶欣然從之方命酌忽一吏曰詔至卽

持庶下斬之事平江南通志四

林翹字楚惟太平舉人知平和縣民多積逋翹捐貲代輸民呼

慈父引年歸甯國府志

胡蛟齡字凌九涇縣人雍正癸卯進士由翰林出知興平縣有

惠政擢御史遷戶科掌印給事中主試山東所拔多積學士在

諫垣日值江楚過糶疏乞飭所在督撫嚴行禁止事允行甯國府志

胡承璘字彬仲涇縣人雍正癸卯進士知龍門縣調長垣有石

姓以命案被羅織璘夜分閱卷隱隱聞鬼泣聲追搨管有蟻子  
裹筆不能下璘知其冤推究得實乃白釋之邑遭水災護隄賑  
粥全活甚眾以卓異歷升沅江府地雜夷獮璘修城建學勸耕  
平稅恩威甚著苗民懾服以艱歸服除仍往雲南以道員用署  
藩篆旋補驛鹽副使卒於官

甯國府志

葉居仁字存叔涇縣人雍正甲辰進士知雲夢縣邑常患水居  
仁濬大小漏罐自劉胡船至城隍港凡三十里按地糾工民不  
苦役沮洳盡爲沃壤治獄平恕囹圄爲空升武岡知州苗獠雜  
處先諭苗長守法供租有爭訟卽委處分不服則上之州平其  
曲直咸奉約束州饑詳請發穀平糶因病請解官不許竟卒於

任州人廟祀之

甯國府志

阮維璋字愚如宣城人初任湖北布政司經歷以艱歸起補廣



西雍正中出西古州剿叛蠻奉檄餉軍者再旋奉委犒降苗躬歷寨落周悉無遺尋攝甯明州州多虎患爲文顧神不旬月而獲五虎患遂息遷知賓州地多瘴癘維璋知醫給藥多所全濟致仕歸

甯國府志

梅子搏字健飛宣城人雍正時舉孝友端方知樂恩縣調易門苗民雜處素稱難治搏寬猛得宜俗用丕變適鄰邑有武舉施文恭謀逆聚苗萬餘窺伺城郭闔邑震動搏親率民兵往擊命其子夜行四百里赴省請援兵未至進首就擒復繕城浚隍爲善後計尋以註誤歸復起爲易門未任卒

甯國府志

劉芳藹字濟美宣城人雍正丁未進士由福建仙游知縣歷禮戶科給事中至湖北按察使官御史時集經史爲十箴以進請展會試期於三月酌定儲倉採買以備荒政及奏刑名應變通

者八條皆中事理司臬三年獄無滯囚丁母憂歸卒

一統志

趙必誥字文振涇縣貢生知唐山縣捐修文廟建北麓書院以造士居心寬厚而賞罰必信三年獄幾空以艱歸服闋起補廣東龍川歲祲賑卹民沾實惠調博羅又以艱歸遂卒

甯國府志

趙知希字太音涇縣舉人考取中書出知館陶縣時連歲旱澇請於上官得借賑停徵閱歲例徵借穀知希以民氣未復捐貲代償邑孝平兩堡地不毛而賦如故又正糧外另立催糧戶以地荒無著催首賠完適奉文丁歸地畝遂請均攤民累永除調奉新有巫假神惑民焚其神杖巫逐之在官九年風教大治民爲立祠調貴溪傾城祖道車馬不得行升晉州知州甫抵任以艱歸遂不出

甯國府志兼採御史趙青藜所作行述

吳兆龍涇縣舉人考取中書出知漢陰縣歲歉捐俸賑饑上官

察其能調攝興安州卒於官甯國府志

胡之棟字元馭涇縣歲貢歷天長懷甯教諭擢知新安縣有命犯仇誣數十人廉得其情盡釋之時有胡青天不要錢之謠卒

於官甯國府志

朱光鏌字殿英宣城人以國子生從水利營田効力議敘選東光主簿升三角淀通判歷順天府北岸同知以忤總河某意左遷俘沈丞倅數年因與同官謁總督方觀承議興濟減河事方大驚異委董其事功成擢河間府同知自是凡遇險要工卽非所轄亦藉其襄理遂以積勞卒官光祿鄉王鳴盛所作墓誌

吳最字曉昇涇縣人官建甯同知捐俸建紫霞書院給膏火以育人材旋攝府事有奸民杜奇等盤踞三廟潛謀煽誘密捕就擒民用安戢以疾歸甯國府志

鄭景字曦南涇縣舉人知富民縣時方嚴緝白蓮教株累甚眾景平心鞠問盡釋其波及者有嫌壻貧賴婚致訟詢之女得其情以鼓樂昇歸貧家闔邑稱快調思安縣縣未設學統於郡景先捐作爲義學延名師以教乃詳請立縣庠升路南知州邑父老爲建遺愛坊於邑大堂

御史趙青藜所作傳略

胡擇先字慎于涇縣舉人知武城縣捐俸創建絃歌書院邑人頌之調荷澤邑多盜練捕懸賞盡獲之河決徙災民城內並力築隄發粟撫恤民大安以疾歸

甯國府志

蕭學書字麟玉涇縣舉人知膚施縣能以德化卒於官郡守憐其清貧捐資賻助櫬始歸

甯國府志

詹彬字舜輯宣城人雍正時舉賢良方正知印江縣以德化民民不忍欺苗民旋服旋叛撫軍以彬督軍務捧檄卽行苗亦相

戒勿犯事平調安化有郡吏橫索苗民規例彬執而杖之邑有  
富豪豔某氏女與女母通謀殺女所字夫事發郡欲坐女彬廉  
得其情卒直其事升武定府同知以老歸甯國府志

崔龍雲字雨蒼太平人雍正時舉孝友端方知諸暨縣建義學  
代完逋賦攝海鹽修石塘垂成調海甯時塘功方興悉心規畫  
勞劇胥治邑有湖田不便民龍雲詳請照民田定課宿累頓絢  
歷署南河各廳事升運河通判卒於官甯國府治

郭大驛旌德人任鶴山縣藥逕司巡檢羣醜竄匿乾隆三年夏  
西潦颶風衝擊古勞圍陞幾陷披笠冒風雨率鄉人力禦之卒  
無虞上官嘗因私繫人知其無辜輒釋去卒後貧不能斂民醵  
金助之有十數人裹糧送櫬至庾關而後返者一統志廣東名宦

吳瑞字舜班南陵人知連城縣連俗生女不舉幼男殤以啗犬

豕瑞嚴禁之調武平愚民每食斷腸草自殺瑞命人掘其根一石十金民德之爲立生祠升延安知府延有三邊其定靖二邊兵餉就近徵收會有題歸州縣者瑞爲籲請得如舊遇事有便於民者皆力爭得之又捐修尊經閣置祭器新韓范祠建邑東橋延民感頌帥府委攝榆林道辦軍需閒闕盡瘁入爲禮部員外郎以父老告歸

甯國府志

劉撫字杓龍南陵舉人知江川縣地震水湧村舍蕩析攜計口賑粥急請發帑生死皆得蒙惠學宮爲水所漂重建之於城內歷晉甯新興二州奉檄讞巨獄全活二千餘人卒於官士民泣送江川人立石紀績

甯國府志

江日安字又安旌德人由吳江訓導擢知廣源縣邑有飛仙鎮地爲豪右所佔訟久不決繫累死者甚眾日安廉得其情置豪

於法以其地置義學延師課士文風丕變歷攝昭化蒼溪皆有

惠政廣源人建坊曰嘉陵遺愛

甯國府志

胡承璧字廷揚涇縣人乾隆丁巳進士知襄陵縣有惠政升平

度州知州境濱海爲開渠蓄洩民無水患嚴行保甲盜無所容

丙子分校鄉闈聞州大雨旬餘急白上官自闕中出星夜馳歸

田廬漂沒爲請發粟賑濟歷升重慶府知府尋爲辰州府知府

歷長沙岳州護辰沅永綏道致仕歸

甯國府志

翟思漢字漢升涇縣人官南昌府同知時修豐城圩日役數千

人捐資廩給三月告竣人稱翟公隄卒於官

甯國府志

胡粵生字南屏涇縣舉人歷知蕭山縣嚴治竊賊昏夜無恐調

黃巖縣濱海巡兵誤以商船爲盜鞠治平反全活甚眾升濱州

知州未之官卒

甯國府志

梅予授字繩波宣城人乾隆壬戌進士官徐州教授徐故州治貢一人援力請於使者得從府例貢二人值歲祲上官知其廉幹檄理荒政躬親卹隱全活甚眾復奉檄濬獅子山柳園諸湖以勞卒官子立本乾隆丁丑榜眼官終廣西學政

甯國府志

張汝霖字芸墅宣城人雍正乙卯拔貢廣東知縣歷河源香山捕倡亂者寘法免荒埔報升之稅修城南羅婆陂禁豪家曲防署徐聞民不習耕作無婚嫁禮汝霖揭示部頒勸課十則定婚啟度書式委監英德長岡廠陳三大綱二十條目並極言商戶拆閱之苦事得施行停七縣開採銅鑛攝澳門同知奸民賴鐵甲乘夏旱誘眾搶掠汝霖遣幹力擒數人論如法丁憂歸起補陽春調香山修宋張世傑墓仍權澳門同知自前明西洋人錯居其地以番僧總領行天主教其後又別立唐人廟以招內地



民汝霖手檄渠目剖陳利害隨往諭之夷人抱足感泣鋪廟誓  
毋背約因實授澳門旋以事鐫級歸卒著有澳門紀略詩文集  
三十卷政績五十卷以子燾

贈中憲大夫翰林院侍讀

甯國府志 新據  
姚鼐文集增修

陶燿字熙文南陵人乾隆壬戌明通榜以薦知保定縣調順義  
恭逢

駕幸灤河先一日雨水壞橋需費甚急吏爲假得千金燿詢知出自有

案之家亟還之曰吾甯以悞公千吏議其有守如此後歷江西

東鄉樂安金谿諸縣興學校建義倉決訟無滯民甚德之

甯國府志

胡筠字質谷涇縣舉人歷知青谿縣調內黃兼攝衛輝通判事

時儀封口溢民多漂蕩捐俸賑救全活甚眾引疾歸卒年八十

六

甯國府志

鄭居中字心初涇縣舉人任來安教諭擢知府谷縣新學宮創書院縣舊無志爲創輯之嘗署綏德州開鑿西城外數省孔道州民書鄭公衢三字鐫崖紀績署永壽地苦乏水搜得宋呂大防惠民泉故蹟浚復如舊府谷有宋折克行嗣祚二墓永壽有漢婁敬陸賈唐安金藏墓皆修葺之禁樵牧卒於官士民爲建坊立碑頌之

甯國府志

葉逢時字行可涇縣貢生授黃州府通判攝隨州知州舊有陋規銀數千逢時盡革之解任日士民送者無不流涕復任黃以疾歸黃人至今思之

甯國府志

胡世科字希哲涇縣人乾隆丁巳進士知始興縣歲祲饑民聚鬪世科反覆開導始泣散歷任三載介節不阿眾嚴憚之以忤

上官意罷歸

甯國府志

孫廷柏字省南宣城人初捐中書科中書選授貴州石阡府地多竊盜懸格緝捕姦宄漸消葺文瀾書院延師教士乞養歸終喪服除赴黔需次時蜀有囑匪餘黨未獲選卒越境搜緝輒指徒販爲逋賊株連相屬廷柏奉檄按問多所全宥上官初疑其寬縱旣乃信其平允補都勻府會旱疫捐廉平糶備藥給棺又修邑柏子橋民不病涉以勞卒官

甯國府志

駱大俊字甸方宣城人乾隆丙辰進士知沂水縣緝獲鹽梟五百誅其首惡十餘人遷知河南睢州逆賊王掄之亂株連數千人大俊奉調赴山東訊辦究實原情多所全活調雲南宣威州時會澤縣銅廠爐戶逃散者三百餘家大俊察知賠累之由力請省臺免捕增值積困以蘇遷山西鹽運同知卒於官

甯國府志

趙望齡字秀南涇縣人知鄧州鄧俗商賈交易權衡斗量必納

規例於官酌定後始通行望齡至盡革之州人立永助碑志其

德以艱歸服除補廝州其治績一如鄧云

甯國府志

翟禮字孔問涇縣人知陸豐縣縣係分海豐新置草創未定蒞

任十載修學宮建義塾立社倉教種植鑿井築城規制井井告

歸日紳士條刊善政名之曰集愛錄

甯國府志

朱梓字維恭涇縣舉人知彭山縣時征緬甸以轉餉功調資陽

攝茂州天全州雜谷廳兼理番府同知所至以循良稱以艱歸

渡江舟輕取石數十石鎮之時有兩袖清風一船白石之語傳

爲美談服除補黃安歷漢陽監利調保定卒官

雙塵談甯國府志

胡啟楷甯國進士乾隆三十五年知樂山縣廉而有恩其慈祥

蓋由性生嘗言樂山百姓燈草可束何忍苛之積勞成疾解任

後寓郡窶甚民供薪米恭若在官旋卒眾爲醵賻以歸其喪川

通志  
新刊

張鍾琬字碧涯太平人乾隆丁丑進士知武安縣俗悍好械鬪  
輒中重傷鍾琬痛懲惡少數人始震懾又娶不避同姓父母喪  
婚嫁自若鍾琬教以禮義俗漸革免車役減官媒牲畜諸稅善  
政甚多卒官歸櫬士民焚香泣送直至邯鄲境上

甯國府志

翟槐字公樹涇縣人乾隆乙未進士官編修充

國史館纂修戊申典雲南試所拔多知名士擢御史巡視北城宵  
小斂迹出守楚雄府值旱疫積精虔禱雨沛沴消郡人呼爲翟  
佛子捐俸葺鳳山書院延師督課科第鵲起維西獫獫嘯聚制  
府帶兵往剿屬槐運餉倣義倉法勸輸軍儲不乏以功當遷會  
疾卒

甯國府志

劉祖佑字念貽南陵人援例任浙江運副歲祲發鹽義倉賑濟

全活甚眾奉檄經理江湖水利舉封輦淤湖流深暢闊去灘蕩  
八百餘畝增旣仁和海甯田二千頃調署玉環同知懲悍兵定  
議獻軍民帖服島嶼肅清辛未壬午恭逢

鑒輅時巡兩次引

見蒙

恩賜貂皮內緞荷包歷攝金華諸邑卒於官

甯國府志

沈寅字芝珊涇縣舉人知望都縣捐資設立書院文教以興調

邯鄲升知蔚州卒於官

甯國府志

潘成章字達夫涇縣舉人知金鄉縣攝萊州同知有夜攜金求

見者峻卻之曰吾不敢忘楊氏四知之戒也告歸日囊橐蕭然

甯國府志

汪灝字從止旌德人援例知陝西耀州漆沮水漲壞護城石隄

捐資重築並於濠外增築十餘隄公帑不虧民亦忘役其他如修州志葺崇聖祠增文正書院膏火俱有成績歷攝鄜州綏德

同官藍田等處以勞卒官

甯國府志

翟繩祖字昭甫涇縣人乾隆甲辰進士官池州教授訓迪啟誨甚得士心捐俸修明倫堂又請於守改建試廳重造城南通濟橋凡有利於士民者悉爲之告歸池人攀轅泣送旣沒爲請祀

於名宦者再

貴池縣志甯國府志

胡錦字麟佐旌德舉人署泗水縣時有割辦妖中之者多死有司購捕吏縛游僧通臬到縣錦察其枉請釋之郡守不可別檄鄰邑詢問獄成上之傳相國定讞如錦議遂以明愼稱補禹城會大水以築隄墜馬乞休百姓感泣起知平原有僞稱貴近出察事者錦疑之廉得僞造印信事擢同知借補東平州以累歸

蒙

恩與千叟宴

賜資甚渥卒年八十

甯國府志

鮑西字協卿旌德舉人由教職薦知湖南龍陽縣汰冗役清訟牒攝長沙同知值苗亂採火藥運糧餉崎嶇五谿八桂間事皆先期集會興甯上下十二峒犛爭地幾蠢動檄攝縣事恩威並用犛人懾服解散以老乞歸卒年八十

甯國府志

左暉字鳴九涇縣舉人知東阿縣城西蘇家橋當東北孔道山水衝毀暉捐資重建民免病涉又嘗捐修明倫堂卒於官士民惜之

甯國府志

胡振字鵬九涇縣人由當塗教諭內升京衛武學教授充律學

淵源繕修官攝知福泉青浦兩縣事以循良稱卒於官

甯國府志

重修安徽通志

卷一百九十一人物志

宦績

三

甯國府



胡林謨字範周涇縣人官湖北布政司理問署宜昌同知協辦金川軍餉有勞績攝嘉魚縣事歲饑請發帑賑濟嘉民感之調

南漳告歸

甯國府志

胡承梅字庾南涇縣人官定番州羅斛州判五攝縣事左遷永康州吏目嘉慶二年泗城苗亂委辦站務尋調入大營督辦船筏勞績甚著卒於營奉

旨賜卹

甯國府志

鄭珮莊涇縣人乾隆中知石門縣喜作育人材每屆科試舉行賓興禮復多所餽贐以示鼓勵

石門縣志  
江南通志

吳芳培字霽菲涇縣人乾隆甲辰進士選庶常授編修嘉慶初歷侍讀典試四川時教匪蔓延秦蜀遂駐沔縣爲畫城守事宜賊遞兼程進事訖還京具奏匪情

上深加褒諭明年督學河南秩滿入都遷右庶子累擢詹事府詹事督  
順天學政升內閣學士兼禮部侍郎知貢舉再任順天學政擢  
兵部侍郎歷吏部侍郎都察院左都御史署吏部尚書以事左  
遷兵部侍郎復歷署左都御史充庚辰會試副總裁尋調兵部  
左侍郎道光二年蒙

恩以原品休致歸甫兩月卒

涇縣志

朱理字燮臣涇縣人乾隆丁未傳臚選庶常授編修嘉慶元年  
出爲衢州府知府革陋規治豪猾遷興泉永道駐廈門有艇匪  
六舟突至理發礮擊破其二船生擒七十餘人賊始遞升浙江  
按察使溫州民莊以泣抗糧聚眾馳往縛之一邑帖然升山東  
布政使入爲光祿寺卿署左副都御史超擢刑部右侍郎轉左  
侍郎屢奉

命往獻直隸河南參奏各案皆得實授江蘇巡撫先是前撫章煦密陳  
虧帑情形理上言欲綜核得實惟在截流以清源

上嘉其一語包括又疏請控案早結一日卽百姓少受一日之累又請  
海門廳專立學校皆如所議行復

召入爲內閣學士旋授刑部右侍郎調倉場侍郎甘肅虧帑事覺使往  
治其獄據實參奏

上嘉其公正旋酌擬追補虧空章程五條

上是之復授刑部右侍郎尋授貴州巡撫嘉慶二十四年卒於官理嘗  
主順天鄉試分校鄉會試各一所得皆知名士

涇縣志

吳昌齡字季卿涇縣優貢教習授東臺訓導中乾隆己酉舉人  
久任東臺整飭學校士皆相率師之嘉慶乙丑丙寅邑大水承  
辦賑務監粥廠盡心經理民得實惠以保薦離任百姓焚香跪

送會成戊辰進士選庶常改吏部稽勲司主事升文選司員外

以勞卒官未竟其用士論惜之東臺祀名宦

涇縣志

朱德懋字予簡涇縣廩貢遵例授員外補虞衡司升郎中出知南甯府知府裁陋規清積案南甯大盜李姓者屢承屢翻最後德懋奉委覆訊遂俯首服人問其故曰朱公以誠待人不欲欺之耳上憲美其才屢署左江兵備道卒於官父老皆爲流涕

涇縣志

胡士程字雲九涇縣人乾隆乙酉舉人揀發直隸歷任九州縣案無重獄初任行唐值歲饑捐廉設粥以賑全活無算在阜城差務殷繁向用牛驢車輛俱出民間爲捐俸造車以備運送人稱胡公車以病歸卒年八十四

涇縣志

吳濬字禹功涇縣人乾隆己亥舉人初任邵武縣剔弊除奸振

興文教邵武本衝途濬不肯以差役煩民遂致虧欠賴士民力  
爲補苴始得脫然無累及任羅源奉委採買倉穀毫不累民乞  
休歸卒年八十六子鴻裁以舉人知鄖縣時陝西小醜跳梁鄖  
故接壤力請提鎮道府駐耶防堵設法措餉寇警始息奉委採  
辦滇銅以勞卒於雲南

涇縣志

趙雷生字孟侯涇縣拔貢以教習揀發貴州歷署開泰青溪遵  
義知縣遵義淹獄百餘不半月剖決殆盡捐俸修理考棚並置  
坐號千餘以抗直不肯爲郡守屈幾獲譴旋請代去遵義民具  
呈保留者千餘人布政使百齡問趙令到任纔數月何德及汝  
曹而至此皆對曰六十年無此好官矣移署鎮甯州知州以母

老引疾歸

涇縣志

王泰雲字春穀南陵人以四庫館膳錄議敘授貴州貴定縣典

史丁艱歸會銅仁苗變檄至軍營辦事以功補雲南麗江井鹽大使又以隨軍平定川匪功升合江知縣加知州銜調成都省徭役修學宮歲荒捐賑全活難民無算晉敘永直隸同知以呈誤去旋准開復發奸摘伏吏畏民安署雅州知府卒於官

南陵縣志

吳斌涇縣人祖蕙田有文名官中書劉相國壩亟稱之斌官饒州府知府修學宮葺芝陽書院厚給膏火振拔寒畯皆捐廉爲

之

涇縣志

吳豹文字蔚南涇縣人官大理府通判弭盜有方境內肅然溺渡數水災爲築隄以資捍禦得膏腴數千頃攝祿豐事聽斷稱神明歸里後士民懷之

涇縣志

吳廷芳涇縣人以河南司員外郎出爲嚴州知府察吏安民人不能欺衢州苦旱奉札查勘親歷鄉井不假手於吏胥故嚴衢

二屬頌聲載道

涇縣志

吳濤字滄夫涇縣人官福建興化府通判莆中大旱屢禱不應  
濤齋戒虔祈早設壇而夕大雨人謂吳公雨以廉能委辦軍硝  
備極勞瘁差竣遂以疾乞歸

涇縣志

胡元淦字寶泉涇縣人遵例分發廣東署曲江縣丞嘉慶乙丑  
韶州兵變眾無敢往諭者元淦星夜踰城直入其營撫以溫語  
曉以利害皆感悟解散去擢署翁源縣事以勞卒官

涇縣志

朱格字壽平涇縣人以戶部郎中授四川嘉定府知府政簡刑  
清能持大體健邑鹽廠工匠爲竈戶挾隙誤控吏捕之急遂停  
煎抗拒蠶聚數千格聞兼程赴之先出示安民單騎直入深山  
剴切開導眾皆感悟解散歸竈又擒治妖民陳三安輯成都兵  
變但請以首犯正法調攝綏定府繩治土豪張在芳罪一郡晏

然凡所歷任皆振興文教畱心造士以兄佩病故哀戚遂引疾

歸士民懷之

涇縣呈冊舊志

祀名宦

據涇縣新志增以上舊志

孫源湖榜名元瑄字達孚宣城人乾隆辛丑進士仕至海州知州初知寶應縣教養兼施遷高郵州立義學賑卹水災捐設粥廠施醫藥民甚感之致仕歸道光三年高郵大水難民逃荒至宣城過其門焚香高呼孫青天後重宴瓊林奉

旨加知府銜卒年八十六

宣城縣志以下新修

朱一慊涇縣舉人歷官廣東開建直隸東安江蘇安東泰興江西石城湖口知縣治績最多尤著者石城築隄濬河通舟楫利甚溇縣人稱朱公隄建朱公祠於隄上隄側育嬰堂亦一慊所捐造並置田畝爲育嬰經費每歲值一慊生辰士民及育嬰堂所長養者必至祠祭以所遺衣冠出游涇人朱姓過此隄者祠



內必畱宿投餐輿送出境其遭愛在民如此卒年八十餘

江西石城

縣志  
涇縣志

崔之煒字翼書太平舉人嘉慶時浙江知縣歷任桐鄉永康平

湖富陽武義有惠政攝紹興海防同知賑荒愛士頌聲大作道

光初任餘姚案無積牘民咸悅服以老乞歸圖書外無餘物

太平

縣志

李宣範字君式宣城人祖籍旌德由供事選山西孟縣芹泉驛

丞嘉慶十八年河南滑縣之役檄往巡徼有捕難民爲賊者凡

百餘盡釋之升江西南昌縣丞卻老民堂歲費又選直隸房山

縣丞歲餼吉陽村人告變以百役往得首犯歸且請賑變遂弭

嘗佐天津府決獄閩廣市舶鬪有詐死者穢其尸宣範察其脈

叱役曰是旣死當速火之其人驚起伏罪尋升密雲知縣辦賑

旱饑逃亡漸復倡建書院義學隨有舉於鄉者徙寶坻飛蝗隨河水出境歷知通涿兩州超授松江府知府以疾歸在籍亦多

義行

宣城縣志  
梅曾亮文集

王文苑字墨林太平舉人嘉慶閒任雷州府知府濬河道開水利購經史存雷陽濟元遂良諸書院並助膏火先後捐廉撫卹風災疫禳活人無算府人立生祠祀之調甘肅平涼府以養親

歸卒家

太平  
縣志

趙祖慶字蓀元涇縣舉人河南知縣歷署湯陰延津安陽補襄城苦徭役繁重永遠裁革莠民爲閭閻害者繩之以法決獄明允有趙青天之稱卒官士民樹碑祠祀焉

涇縣志

張應揚字侶衡太平舉人官祁門教諭有治狀保升知縣署甘肅岷州知州勤於聽斷振興書院以運銅議敘升授雲南興州

知州調阿迷州俱有聲引年去官

太平縣志

胡世壩字崇垣涇縣人嘉慶辛未進士官江西吉水知縣緝捕盜首解散餘黨境內肅清涖官數年潔己自持時有吉水縣祇飲吉水之頌著大學心得錄二卷

涇縣志

潘錫恩字芸閣涇縣人嘉慶辛未進士授編修學問淵懿尤究心水利道光初年南河因借黃濟運致裏揚運河受淤糧艘梗阻錫恩以侍講學士條陳河務事宜奉

旨以道員發往南河擢江蘇淮揚道六年以三品頂戴爲南河副總河是時黃運隔絕錫恩用斛水通船之法建議倒塘灌運漕船由運渡黃無阻入爲光祿卿歷左副都御史兵部吏部侍郎二十三年再任南河河道總督兼署漕運總督宣防修築務權緩急無冗費亦無廢事先後在任十載無河患清淮士民稱頌不衰

二十八年以病回籍迭次募勇辦團捐助軍餉急公之誠數十年如一日同治丁卯重宴鹿鳴

加太子少保銜旋卒於家同治七年五月

賜謚文愼政績事實宣付史館立傳祀鄉賢祠

史館鈔傳萬奏案

張之涇縣志

崔墳字任菴太平縣人嘉慶戊辰副貢庚午

召試舉人由內閣中書授山東濱州知州崇學校建義塾懲暴安良尤

善治獄道光初調高唐地當衝多役牛車墳請豁免設法賑饑

時稱賢父母升直隸順德知府未赴卒墳事親孝居鄉以義行

聞

太平縣志

翟發宗字述菴涇縣人嘉慶己卯進士由主事洊升郎中棟發

雲南知府署昭通時川匪倡金沙昭通北境震動發宗嚴守備

撫難民輿情乃定又懲健訟革陋規爲時所稱補大理卒官

太平

縣志

杜啟豐字晴川太平舉人甘肅知縣道光六年任合水勤聽訟  
建書院周貧士有皮商喪貲如數追給商以金謝卻之曰追償  
本縣官分內事且合水產皮不使遠商裹足吾民生計裕矣何  
謝爲六載卒官士民泣奠有遠送至陝境者

太平縣志

張維翰字墨林涇縣人河南知縣署光山商邱汝陽皆有聲海  
升彰衛懷道兼理黃河六載安瀾軍興帶兵防剿有功捐餉銀  
五千兩加運使銜

涇縣志

呂偉庚旌德舉人選山陽教諭受業百餘人多以文學政事顯  
道光戊申兩淮水災檄委賑饑以廉能稱母憂歸服闋任太和  
訓導委辦團練咸豐八年捻匪偪城登陴守禦五閱月以功保  
內閣中書積勞卒官

旌德縣志

陶士霖原名青芝南陵人道光壬午進士選庶常散館禮部主事洊升給事中出爲溫處道擢長蘆鹽運使咸豐七年奉

旨幫辦甯國糧臺並總理灣沚協防局供應鴉山大營餉米積勞卒

南陵縣志

查炳華字瑤圃涇縣人道光壬午進士浙江知縣歷署安吉蕭山補平陽疏濬水患建考棚修學宮捐升湖北道歷署安襄漢黃鹽糧各道又署按察使督修隄工捐置歲修田畝率屬捐建育嬰堂撰訓俗格言刊行卒

涇縣志

翟奎光字墨卿涇縣人道光壬辰進士廣西知縣署永甯州督捕蝗蝻淨絕補雒容縣地當衝衢猺獞雜處匪徒溷跡乃嚴保甲置巡船水陸肅清又設義學捐助書院膏火士民德之卒祀

永甯雒容名宦祠

涇縣志

項瀛字仙洲太平附貢道光三年以通判署雲夢知縣捐廉築隄改授雲南石屏知州歷署州縣皆有聲時回部構斂官兵捕平民百餘人瀛獨平反之升署普洱府父憂歸起補四川劍州知州擢山東濱樂運同屏絕餽獻改知府告歸道卒襆被外無餘物親戚助斂焉

太平縣志

胡澤沛字毓林涇縣人湖南武陵籍由舉人大挑浙江知縣補浦江憂歸起署平陽擒劇盜蔡光照補象山督兵擣漁山賊巢調山陰解散獨山羣盜擢東塘海防同知署湖州府知府洊署金衢嚴道時甯國府陷扼堵四安籌濟軍餉咸豐十年專辦漕安軍事疾歸卒家

涇縣志

崔國政字聞卿太平人道光壬辰進士任廣東平遠知縣捐廉增書院膏火絕苞苴罷供億聽訟立決時林則徐問治行曰禮

樂刑罰不外性情中事也移吳川創建書院時高州府屬蝗獨

不入吳川境升嘉應州知州卒官祀名宦祠

太平縣志

崔紹中字受生太平人山東知縣歷署德平陽信臨朐政寬刑簡道光十七年署臨清州以隨獲逆首馬剛功卓異父憂歸起赴雲南累任州縣有聲苗匪梗化紹中計獲要犯補賓川州升知府歷東川普洱順甯楚雄後苗匪圍省垣紹中親冒矢石開通糧道加道銜督辦臨安軍務旋以督裁嚴出力署迤西道督辦南路軍務積勞卒於行營

太平縣志

崔景炘字魯瞻太平舉人道光中官甘肅文縣知縣歲饑請緩征捐賑實惠及民歷署環縣中衛並出俸置田興學校課耕織徒步勸輸軍餉決大獄無株累調補通渭修書院獲巨盜卒官

太平

縣志



劉成萬字元圃旌德人道光己丑進士由吏部郎中授金衢嚴道封禁衢屬煤洞懲辦土棍因是逋匪戢跡捐俸重修聖裔家塾勤課書院士多德之帶勇禦賊三載病歸泣畱者相屬年餘復起帶勇巡守省垣積勞病故

贈太僕寺卿祀名宦祠

旌德縣志

李文瀚字雲生宣城舉人陝西知縣署郿縣有聲補岐山倡捐濟饑又借社倉粟行工賑法浚池築堡十餘年後回匪之擾岐下得以無恐調長安廉知煤井久傭蜀人甚愁苦盡出之而置領工於法升鄜州巡撫張祥河以賢員薦升四川嘉定府知府剿撫峽邊一帶猺夷當粵逆竄山右關中震動文瀚陳戰守二十八策於當事及抵蜀募鄉勇旬日得十餘萬旋署夔州府以

道員畱川卒

宣城縣志

江伸字引之旌德人由兵部郎中出知湖州府調衢州稽查開  
化歲祲捐廉煮賑全活數萬人復捐千金爲課士膏火買桑苗  
給民種植以興蠶織之利任滿歸囊橐蕭然

旌德縣志

朱夢元字貞起涇縣人江西貴溪籍道光甲辰進士選庶常改  
刑部主事由郎中擢御史咸豐九年儲濟倉災疏請

諭飭諸臣修省及刑部監犯減等五城飯廠加費各事皆得請同治元  
年請蠲免各直省積欠錢糧奉

旨飭部議行晉鴻臚寺少卿遷通政使省墓歸原籍卒

涇縣志

江薰字悅巖旌德舉人道光中任福建平和知縣潔己愛民決  
疑獄調古田捐廉賑饑及助書院膏火調彰平百姓泣送之母  
憂去官卒

旌德縣志

吳靖衷字寅卿涇縣貢生任雲南鶴慶州知州修鶴陽書院三

年獄無重辟電不入境火起返風退熄時有三異之稱以疾歸

咸豐初倡捐練勇積勞卒

涇縣志

汪時渭字尙濱旌德人咸豐癸丑進士由中書改湖南同知歷署耒陽武陵沅陵知縣耒陽有兄弟訟者兄理絀扶其僕以徇而諭勉其弟武陵人獻金爲壽峻卻之沅陵多盜賊擒其渠餘黨遯跡舟人圖財謀命廉得置法署武岡州卒官

旌德縣志

劉芬字蘭泉宣城拔貢選陝西乾州州判署延長縣補咸陽縣知縣調長安歷任以教養爲先斷獄尤勤慎延長無書院捐廉月課擢潼關同知同治元年賊竄秦蒲關下集團守禦殺賊無算議敘知府二年丁憂奪情畱任籌解糧餉赴營道卒

宣城縣志

王華封字祝三太平舉人官廣西平南縣知縣倡辦團練殲盜魁境內以安徽援灌陽城圍以解李沅發之亂官軍獲難民數

百覆按悉活之洪匪撲省垣竭力堵禦獲全累遷至右江道加  
鹽運使銜轉糧梧江以前防剿潯州功加布政司銜檄赴江西  
督辦黔餉一年卒

太平縣志

蘇式敬字介堂太平附生從張芾徽防立功誠慤寡言遇事勤  
奮屢劄大敵浔保浙江候補道咸豐十一年籌防衢州供給軍  
需無缺代辦布政使事同治三年補杭嘉湖道專辦海塘在嚴  
衢山中采度木石親歷巖谷刻期運致積勞卒於工次

贈太常寺卿蔭子入監

太平縣志

翟增榮涇縣舉人幼讀書畱心幹濟慨然有經世之志以知縣  
分發江蘇時李鴻章爲蘇撫檄辦營務後隨剿捻有功浔保直  
隸州知州仍畱江蘇鴻章總督直隸復奏調增榮赴天津差遣  
潞河隄決委辦河間文安大成等處相度疏濬堵築務堅隄成

稱最積勞成疾卒於工次

章鴻鈞撰行狀

重修安徽通志卷一百九十一

人物志

宦績 十四

池州府

漢嚴詡陵陽人本以孝行爲潁川太守謂掾史爲師友有過輒閉閣自責終不大言郡中亂王莽遣使徵詡以何並代之官屬數百人爲設祖道詡據地哭掾史曰明府吉徵不宜若此詡曰吾哀潁川士身豈有憂哉我以柔弱徵必選剛猛代代到將有偃仆者故相弔耳詡至拜爲美俗使者

漢書何並傳

宋樊知古字仲師本名若水字叔清從太宗命改名焉其先京兆長安人父潛事南唐任石埭令因家池州知古舉進士不第遂謀歸宋漁釣采石江上乘小艇載絲繩維南岸疾櫂抵北岸

以度江之廣狹開寶三年詣闕上書言江南可取狀太祖命送學士院賜試及第解褐舒州軍事推官方議南征命往湖南造龍船以大艦載巨竹紵自荆南而下議者謂江濤險壯恐不能就乃於石牌口試造之移至采石不差尺寸從知古之請也既克池州以知古領州事擊敗三砦之據險爲寇者金陵平擢拜侍御史令乘傳按行江南諸州詢訪利民授江南轉運使請蠲茶稅奏罷用鐵錢端拱初遷右諫議大夫河北東西路轉運使兩路各置副使都轉運使之目自知古始歷位至三司使後以事出爲西川轉運使以本官知均州卒賜其子漢公同學究出

身宋史本傳

夏中正貴池人嘗仕南唐入宋知貴池縣以鄉黨非威刑所宜施每聽訟輒隨曲直諭之人咸悅服擢職方員外郎告歸孫璽

舉才識兼茂科知長洲縣以直罷文彥博奏復其官

一統志萬姓統譜

胡舜元字叔才銅陵人嘉祐己亥進士歷德興鄭二縣令遷著作郎少嘗與王安石其硯席相友善安石作序送之稱為純孝及執政行新法舜元以書規之有懷利事君貪利害民之語遂乞致仕安石不以為忤其卒也以詩輓之孫棣舉進士官兵部

郎中

一統志王臨川集江南通志

李植字公立建德人熙甯進士歷湖北轉運判官元祐間入為尚書度支郎與司馬光呂公著諸人善蔡卞用事斥為黨人罷之

建德縣志

檀固字以忠建德人熙甯庚戌進士紹聖間官尚書極言朝廷罷呂大防蘇軾范純仁用章惇曾布蔡卞之失書奏免官蔡京為相遂不復起用

一統志萬姓統譜



張曉字伯器貴池人父洵爲獄吏遇冤繫輒籌所以出之者曉歷知鳳翔等數大邑以能理繁劇稱蔡京惡其忤己徵至京師卒疑其未死欲發棺賴同里高允文力保免允文官清流簿京謂曰君高節尚義當加旌賞授定邊軍教授實黜之也後擢知

汀州治尚廉靜及歸囊橐蕭然

一統志 江南通志 池州府志

鍾鏜字德振銅陵人其家十一世同居鏜登元祐辛未進士授

旌德簿歷知汀州入仕五十餘年所至以廉惠稱

萬姓統譜

檀宗益建德人哲宗時詔諸州行三舍法宗益備陳考校升選之制從之授國子學錄子倬大觀己丑進士歷官徽猷閣待制

江南通志

湯允恭貴池人宣和甲辰進士通判常州鄰州有叛卒轉掠城邑將及境親往其營諭以禍福寇卽解去擢刑部員外郎平反

冤獄累官至殿中侍御史兵部侍郎

一統志  
萬姓統譜

湯巖起貴池人乾道庚寅進士知營道縣以廉稱嘗自助曰廉而死豈不愈於墨而生乎秩滿奉祠還里所著有論語義十卷

詩集五十卷

一統志  
萬姓統譜

葉楠字元質貴池人乾道中進士爲鄱陽尉值歲潦力請蠲租賑之後令績溪邑人歌之曰前有蘇黃門後有葉令君其清望相等云所著有知非集

一統志  
萬姓統譜

程九萬字鵬飛青陽人淳熙乙未進士知武康縣首訪儒術豪右奸宄悉繩以法境內肅然以政績卓越擢歷司農簿太府丞

奉使兩淮改鑄鐵錢具有規畫出知和州擢華文閣待制安撫

襄陽封青陽縣開國公著有九華詩百篇

一統志  
江南通志

鄭舜臣建德人紹定中江西寇猖獗趙范知池州聞其賢牒充

民兵副將防守江淮又嘗督運糧餉出家財以助軍朝命褒之

一統志

甯尹字正孚青陽人紹興二十八年知浮梁縣告長老曰令起

農家耳備嘗疾苦奈何以鞭扑苦百姓其定約束與若守毋自

刑也民相率趨令

江西通志  
新增

阮麟翁字祥翁銅陵人景定壬戌進士授京山尉歷建德路總

管任封疆修耕戰以功名終

江南通志

胡仲先字國政貴池人趙范提舉江東以仲先充民兵總領乃

移文諸將什伍其民而教之邊淮告急加以歲饑仲先經營守

禦傾橐以賑所全甚多

江南舊通志  
池州府志

元胡愿字伯恭銅陵人舜元之裔孫也舅阮爲建德守至元乙

酉入覲愿以甥從襲恩得仕授南陵主簿有妖巫惑眾笞之而

妖息遷崇德州判有詐稱使臣降香所過迎送供億愿疑其偽  
執而訊之乃坐以法調婺源再遷靖安崇仁尹皆有惠政卒於

官翰林待制虞集爲之狀歸葬於宣城

吳文正集

魯淵字道源建德人爲華亭縣丞佐治公廉以道自重郡之言

春秋者多出其門

南嶽志

明徐謙青陽人洪武中以貢授臨江府推官遷戶部郎中督漕

運於淮濟甚著勞績特擢太僕寺少卿致仕卒

江南通志

余鐸池州人官安仁主簿邑有流亡逋負鐸奏撥茶陵屯糧籌

補民稍安集任滿當代父老數百人詣闕乞畱遷知本縣益多

惠政

湖南通志

桂林字宗衍貴池人洪武中以貢授刑部主事遷員外郎方濬

以事陷獄林白其誣得釋居官公清勤慎凡所讞獄悉得其平

性至孝同邑黃觀極其推重後以直諫下獄死

忠孝紀略  
秀山志

潘伯庸銅陵人洪武中以貢選授御史言事侃直不避權要歷河南廣東山西按察使並著清節庸孫大承嘉靖中以貢知保

昌縣卻常例興利除害民甚德之

江南通志  
池州府志

徐述字信古建德人永樂中由稽勳主事守漢陽興學校課農桑時朝命採木設法完解民不知役歲歉民逋以關市鈔數十萬代民輸足有虎傷人爲文以禱於神虎就捕人咸以爲神明所感

一統志  
湖北名宦

余可才字國器銅陵人永樂甲申中乙榜授訓導請試繁劇畱試工部上疏言官不必備得人爲主帝嘉納之以薦爲吏部主事扈從北征奏對稱旨宣德時晉南吏部郎中習堂事清選法革積弊升南通政復條上息訟安民諸務皆允行

萬姓統譜  
江南通志

方濬字孔哲貴池人以貢歷刑部主事時雲南孟暉諸番梗化上不欲勤兵於遠以濬充使承旨往諭以逆順之理大小之勢番人讐服入貢擢禮部員外郎又奉敕撫雲貴湖廣苗民咸奉教令升廣東參議致仕歸

池州府志

鄭景曜名拱南以字行建德人永樂甲申進士授御史按遼東有元時故吏儲欽等爲奸利有司不敢問景曜捕治之擢貴州參政湖廣草子坪苗亂命監總兵官蕭授進兵剿堵苗平晉階中大夫以年老乞休歸

一統志

柯進字啟暉建德人父彥斌知臨安縣有惠政暹以舉人預修永樂大典爲解縉胡若思所賞識選入翰林中會試乙榜入內閣預機宜文字擢戶科給事中三殿災詔求直言暹繼鄒緝上疏觸帝怒左官交趾驩州追繫獄仁宗卽位復官以知州署永

新吉水事擒大盤山妖賊曹子良等尋以楊士奇等薦擢浙江按察使母憂歸起雲南按察使從靖遠伯王驥討平思機發之亂又撫平貴州叛苗致仕卒子薰以貢知雷化縣盡心捕蝗旱不爲災調安鄉市廬火起額天自責風反燄息人欽其異

一統志

明史鄭  
輯傳

江得東流人永樂中以貢選授御史有廉直名遷按察使僉事

江南  
通志

檀凱字伯和建德舉人預修永樂大典尋成進士觀政都察院命與御史一體僉事慮囚爲一時異數尋授思州府通判孚恩信陳禮義俾民知孝親敬長尊君之道適苗寨互相攻擾加意撫循得不被兵秩滿當遷思民詣闕請畱詔加正五品俸還任宣德中擢應天府治中思民涕泣送之遷府丞致仕

一統  
志

吳賜貴池人永樂壬辰進士歷河南按察司僉事盜殺武陟知縣已獲而賄脫賜微行訪得盜名及受賄之衛官俱置之法改廣東道御史抗疏忤旨下獄死

河南通志

江通字必達建德人以貢知鞏縣招集流民俾復故業河南旱蝗不入鞏境郡守異之委捕蝗孟津通往齋禱於神蝗悉去事聞加一級秩滿以老乞歸今鞏有江公祠

江南通志

胡本惠字益之銅陵舉人授戶部主事歷員外郎出知南昌府有善政擢陝西參政累遷右副都御史巡撫遼東洩軍嚴重邊境以甯

一統志

舒仲誠貴池人以貢歷萬載知縣政尚嚴明善激勸擢監察御史永樂北征皇太子監國仲誠言事忤旨出湖廣按察司副使

江南通志



檀觀東流人宣德中以貢知永川縣治尚嚴靜當遷民歌之曰  
食惟檀衣惟檀檀公去我飢寒詣闕請畱滿九載以治最擢雲  
南按察司僉事不赴歸囊止一石人謂之清白石云

一統志

鮑旭青陽人正統中以舉人知興國州治民以慈愛爲本有冤  
抑者急爲伸之修常平倉六所搏節出納數年民以殷富朝天  
隄圯發以石建石亭於其上人名爲鮑公隄又奉檄剿苗有功  
擢武昌府知府以疾歸民多號泣送者祀鄉賢

一統志湖北名宦

聶珪貴池人正統閒任黑鹽井副提舉侃直任事秩滿父老遮

畱不忍別

湖北通志  
新增

孫仁字世榮貴池人景泰辛未進士授戶部主事督畿內糧儲  
監京倉盡釐夙弊出知順慶府調西安成化中討固原叛羌有  
轉餉功遷陝西參政修沿邊斥堠鑿涇陽洪口堰引水溉田永

爲民利遷右布政歲比不登流民聚荆漢閒將爲亂仁悉力安

撫奏設白河等縣令就近著籍解散之轉左布政晉右副都御

史巡撫四川平松潘黑虎等砦賊相地險要設立州縣以控制

之召爲戶部右侍郎乞致仕

一統志  
池州府志

桂甯字清軒貴池舉人知臨武縣作士衛民百廢具舉以最當

遷邑人詣闕請畱復任三年升知安甯州民夷向化以艱歸遂

不出

池州府志

陳孟晟銅陵人景泰甲戌進士授評事遷雲南按察使僉事善

折獄以廉慎著及歸卻餽賂滇人德之後猶有走萬里來省於

其家者

江南通志  
池州府志

陳勉建德人景泰中知南豐縣招逃遺卹窮困鋤豪猾扶善良

百廢具舉政聲大著未三載以憂歸民歌之曰大尹陳政事新

抑豪強撫良民男耕女織歌陽春

江南通志新増

章廷珪銅陵舉人知興國縣清惠得民秩滿輒請畱任至九載

遷武昌同知邑民追思立廟以祀

江南通志

張廷瑞貴池人天順壬午舉人知龍泉縣以清惠稱最擢御史

清理屯田盡革中璫侵占之弊致仕歸貧無以自給龍泉人復

迎之至縣居三載歸時遺以金不受邑人爲立卻金亭

一統志池州

府志

陳輶青陽人其先以軍籍隸雲南天順甲申進士授刑部主事

折獄平允歷福建按察司僉事備兵漳州有寇據山谷常出爲

民害輶以兵深入殲之身犯瘴厲卒於軍事聞給傳歸其櫬惟

圖書數卷而已

江南通志

徐懷字明德建德人天順閒進士授刑部主事歷江西按察僉

事明敏有治才安福豪陳萬年恃險爲雄號曰洞主官司莫敢詰懷密擒伏法累擢江西右布政使轉左仕至南京刑部右侍

郎

江西通志  
新增

李廷璋字子純石埭人成化丙戌進士授刑部主事遷員外郎出爲四川按察司僉事土司刺馬賢爲邊害按部擒斬之疏陳邊備六事報可備兵松潘轉雲南按察司副使引疾歸卒年八

十二

池州府志

何昌言建德人成化閒任福建光澤知縣居官清慎嘗創建儒

學舍宇及預備新倉

福建通志  
新增

王裕銅陵舉人知德化縣調甯化復調德化以不附劉瑾遷徙靡常後補豐城當贛水之衝築隄長九十里水患以息民甚德

之號曰王公隄建祠其上以祀

王守仁所  
作碑志

吳必顯字德純石埭人成化丁未進士知太和縣以勤涖官案

無畱牘權貴斂跡累遷岳州守

江南通志

張輝字蘊之石埭人宏治庚戌進士授禮部主事以言事謫光

州同知累擢福建按察司僉事以忤劉瑾罷瑾敗廷臣交薦以

老不出晉一階

一統志

周冕字尚文貴池人宏治庚戌進士授戶部主事遷員外郎監

稅鳳陽一清積弊又督江西糧儲得實糧四十萬石以濟邊餉

獨負百萬餘石以蘇貧民綜理維精詔旌之

江南通志池州府志

趙麟貴池人宏治中知遠安縣嘗令民輸粟贖刑比九年積粟

九萬石後歲歉賴存活者甚眾

一統志湖北名宦

劉圭青陽人父恩以貢知長甯縣有政聲圭亦以貢知潛江縣

調信豐均以慈愛著兩地俱建遺愛祠祀之人以爲無忝其父

云

池州府志

宋澄建德舉人宏治九年任福建永定知縣時奉知府吳文度檄築城四年無成澄至稽物料督工役不辭勞瘁一年而竣周七百七十六丈至今崇墉屹屹皆曰澄之力前政不與焉

福建通志

增新

李嘉祥字時鳳貴池人宏治丙辰進士授開州知州剔奸祛弊動中機宜城北舊有淫祠嘉祥毀之巫風遂息擢南戶部郎中督賦蘇州性慷慨喜論事嘗具疏語侵權宦人尤壯之一統

志

桂鼇字用之貴池舉人授廣信府同知時宸濠蓄逆謀陰結山中三巨寇爲支黨巡撫孫燧檄鼇以次剿平之嘉靖中尚書王守仁總督兩廣諸軍平思州斷藤峽鼇與軍事論功擢知思恩府遷府治於荒田驛經營開創勞績最著致仕歸粵人祀守仁

以釐配焉

一統志  
廣西通志

許潛貴池人宏治己未進士授行人選御史剛直不阿嘗監內

庫中貴憚之

江南  
通志

汪珊字德聲貴池人正德辛未進士授御史時林有年以諫迎  
活佛送詔獄珊申救之嘉靖初疏陳十漸帝頗納其說而不能  
用出爲河南副使累擢右副都御史巡撫湖廣復以言事落職  
會貴州都勻苗亂廷推起珊往平之復原官終南戶部侍郎統一

志

明史

余珊傳

李崧祥字密巖貴池人正德甲戌進士授戶部主事歷山西副  
使備兵潞安遷河南布政司參政將行適上黨青羊山賊作亂  
以崧祥有辦賊才特畱總四道兵入山剿賊平之議析壺關等  
縣地置平順縣以扼山之要害得旨允行遷四川布政使時多

營建蜀民困採木之役崧祥入覲抗疏止之因忤用事者致仕

歸一統志

柯遷字瀛山貴池人以貢知彭澤縣察奸吏數人置之法民大

悅升泉州府通判興學教儉以勞卒官囊無餘物人稱爲清白

吏池州府志

柯椿字獨山貴池人以貢授吉州同知遷順天府通判在官十

四年民謠曰天時多旱公雨之民租多負公處之西山多饑公

賑之西山多盜公寢之徭役紛沓公靖之古有惠政公近之池州府志

府志

柯相字元卿貴池人正德丁丑進士知永新縣宸濠反南昌巡

撫王守仁舉兵討賊相集其縣民兵從躬自居守賊平守仁敘

其功辭不受以艱歸起知商河多惠政歷吏科給事中劾去官



邪數十人奏裁內府暨諸司庫藏以鉅萬計累擢右副都御史  
巡撫陝西築皋蘭邊牆三百里寇不敢犯改督兩廣不赴歸所  
著有奏議公移諸稿

一統志

柯燕字光廷建德舉人歷臨江南昌二府推官折獄平允擢南  
戶部員外郎榷揚州關闕截城外酒河舟過無一漏者燾割河  
三分之一作便民橋俾小舟徑渡貸其征其巨艦之稅符額而  
止秩滿歸載麥數斗而已孫鑑字公明以舉人知沂州盡革羨  
耗規例流亡咸集不數月卒民號泣賻送

江南通志

宋邦輔字子相東流人嘉靖丙戌進士授行人擢御史十一年  
彗見求言御史華亭馮恩應詔極論張孚敬方獻夫汪鋌之奸  
帝怒逮下獄究主使名榜掠無所指惟言宋邦輔過南京談及  
朝政遂並逮邦輔下獄落職既罷歸躬耕養親妻操井臼子樵

牧歲時與田夫會飲醉卽作歌相和高風動遠邇士大夫造其

門者屏輿從而後入焉

明史馮思傳

章允賢青陽人嘉靖己丑進士知貴溪成安二縣歷禮科都給事中疏論武定侯郭勛及都御史胡守忠諸不法事皆置重典

在廷憚之

江南通志

柯喬字遷之青陽人嘉靖己丑進士官御史出爲湖廣僉事駐節沔陽築江隄數百里立廛市造浮橋興學校雪冤獄以艱歸起補福建僉事備兵海上與浙撫朱統協力剿倭嚴販海之禁因爲忌者所中罷歸

江南通志

章時鸞青陽人嘉靖甲午舉人知鄒縣勸課農桑邑大治時河淤漕阻朝廷遣尚書朱衡經理其事時鸞首請開南陽新河漕運復通遷兗州同知累擢河南副使時鸞性行醅篤居官不以

家累自隨每去官襆被蕭然有古循吏風

一統志

徐紳建德人嘉靖辛丑進士知蘭溪縣洞悉民情胥吏悅服擢御史巡視畿內屯馬以昌平州地衝民困請永停寄養馬匹巡按保定適楊繼盛繫刑部獄爲置產恤其家疏劾大璫論銓曹夙弊語多剴切遷尚寶司卿累官順天巡撫莅鎮兩載繕兵撫士邊備肅然

浙江通志  
江南通志

畢鏘字廷鳴石埭人嘉靖甲辰進士授刑部主事遷郎中擢浙江提學歷升湖廣左布政改應天尹海瑞撫江南移檄京府等於屬吏鏘卻不受瑞廉其治行與相善進南戶部右侍郎督理糧儲入爲刑部改戶部總督倉場擢南戶部尚書謝病去起南工部改吏部徵爲戶部尚書因風霾陳九事歷指庫帑侵漁軍匠冗食之弊忤近習意不行遂乞歸卒年九十三贈太子太保

諡恭介

明史本傳

柯一鵬字汝程貴池人以貢歷知蘆山縣苗多民少叛服不常一鵬撫綏並至苗民畏懷升廣信府通判命未下以勞卒官池

府志

王用文建德貢生嘉靖二十七年任福建長泰知縣強敏善記事無巨細經目不忘聽訟明決豪右宿猾莫敢犯任三年未嘗遣一吏胥至鄉解官之日橐囊如洗

福建通志新増

李一元字調卿建德人嘉靖丁未進士授開州知州築城浚濠修學教士遷南刑部郎出知金華府治獄以情曲直立辨胥吏不敢出一言擢河南提學累官兵部右侍郎巡撫江西引疾歸一元所歷皆著勞績而廉潔自持卻一切問遺餽贐嘉隆閒在朝有四君子一元以清得與弟一中隆慶戊辰進士歷延平開

封推官亦有清名終河南副使

一統志  
江南通志

呂一靜貴池人嘉靖壬戌進士授工部主事督荆西榷政以恤商稱出知興化府舊例輸米給軍勞費數倍一靜定價折銀絕侵扣之弊軍民兩便終浙江按察司副使

池州府志

施堯臣字欽甫青陽人嘉靖庚戌進士知蕭山縣時浙有倭寇蕭山故無城堯臣力請築之城甫完而寇大至邑賴以全蒞任不挈家屬止攜一簋及去惟贈言數紙而已官終順天府尹

一統志

曹汝良字惟遂貴池舉人知漢川縣均徭役定科條興利革弊邑大治尋乞歸其兄汝衷亦以舉人知德化縣爲政慈祥刑罰從輕歲歉加意賑恤升潮州府通判又同邑柯一鳳由舉人知

通山縣亦以寬惠得民心

江南通志  
池州府志

方新字德新青陽人嘉靖丙辰進士歷監察御史上疏極論水災及將驕卒倚之害因言論納者日獻禎祥而疆域冒功隱敗斥罰不得不嚴陛下亦宜隨事自責痛加修省然後災變可息而外患可弭疏入斥爲民隆慶初復職終湖廣參議

明史楊思忠傳

施篤臣青陽人嘉靖丙辰進士授工部主事遷員外郎出爲湖廣僉事累官順天府尹建白奏記萬言立就而根本經術練達

時宜朝士咸服

江南通志

奈敬中銅陵人嘉靖己未進士授武昌推官屢決疑獄景藩初就封奄豎恣橫每以法裁抑擢吏部主事歷文選郎中推用正士高拱當國嫌其爲徐階所重出爲廣西參政遷廣東按察使

罷歸

江南通志

施宗誼青陽舉人授梧州府同知劇賊張廉等劫掠爲民害宗

誼奉檄討平之有妖虎噬民尋自滅人以爲善政所感立祠祀之一統志

陳應期青陽人以貢知永甯州爲政廉恕鄰州徭相仇殺奉檄馳諭卽解散凱口賊亂督運軍餉無後期委清各衛屯田盡卻

例金以論薦加一級乞歸一統志

湯希閻字孝之石埭人嘉靖乙丑進士授開州知州繕城隍清

徭役葺學校勸耕息訟民困印馬之累力請除之有權貴居鄉

曲武斷爲害按法治之不少貸擢南戶部郎江南通志

徐文山銅陵舉人嘉靖間知南城縣實意愛民鄉里苦役爲庫

子官司日用無不取給中人之產不踰月而盡文山立罷之江西通志

新志

桂林石埭人嘉靖中知廣靈縣蠲煩滌苛一意蘇息每秋多方

儲積及春以貸貧不能耕者去之日百姓涕泣攀留不忍舍

山西

通志

桂標字汝立石埭人以貢歷巫山知縣值大水民多流亡煮粥以賑多方招集民漸復業以勞卒官眾皆憫之爲著巫陽哀輓

錄

池州府志

孫承祖青陽舉人歷知南漳縣時採樵各處物產南漳無所出例輸金以代承祖請自納以紓民困上官嘉之爲請於戶部除其稅以最遷兩浙鹽運司運判不就歸

池州府志

孫楠字木所青陽人以貢授廣昌縣丞有膂力嘗驅猛虎擒巨獠禱雨立應邑人著三異錄以頌之升興安知縣縣新設諸政未舉楠首葺學宮修武備勸民耕墾由是深箐無伏莽邑大治

江南

通志



曹榮字子馨貴池舉人知義烏縣調穀城周恤民隱不尚武健

有循吏稱卒於官貧無以殯上官賻送櫬始得歸池州府志

孫薄貴池人嘉靖中知通山縣扶善鋤惡遇事敢為監司以不

阿抑之遂致仕去一統志 湖北名宦

金天民東流人以貢知蒲臺縣均田里平徭役訓士課農以忤

上官歸民特至其家繪像以去江南通志

施天麟青陽人隆慶辛未進士授工部主事擢郎中權稅荊州

廉漁稅者四人寘諸法追其積逋以實公帑張居正當國建第

於其鄉舍人游守禮等掠川商巨木為構造用天麟斷給之以

是忤居正謫廣東市舶司提舉轉岳州府同知未就卒池州府志

羅賜蔚字應敬青陽舉人授掖縣教諭歷遷兵部武庫郎中力

清耗蠲出為湖廣按察司副使分守湖北苗民雜處俗悍而用

侈賜祥以簡重馭之眾皆誓服

江南通志

王應乾字懷惺東流人隆慶辛未進士授中書舍人擢御史以忤張居正出爲湖廣僉事平洞蠻有功累遷湖廣布政所蒞皆

著清惠

江南通志

余毅中字子執銅陵人萬曆甲戌進士授工部主事巡視南旺水利爲通月河泊汶築洸濟以裨運道總河潘季馴以最聞會黃淮失故道漕河中阻勢偏泗陵晉署郎中駐中河理徐邳一路塞崔鎮決口築隄一萬二千丈有奇工成詔以京堂用而毅中竟以瘁卒官贈太僕寺卿

一統志

陳邦彥字汝美青陽人萬曆甲戌進士授工部主事遷員外郎分司呂梁通判俱著勞績同邑陳明廷以舉人授甯羌州知州

有廉名遷建昌府同知兩地皆祠祀之

池州府志

吳文梓青陽人萬厯丁丑進士授太常寺博士擢兵科都給事中時倭寇方張廷議封貢以款之獨持不可未幾捷聞特蒙褒賞以言事忤旨謫從善典史天啟初宸錄先朝建言者贈太常寺少卿著有諫垣草

江南通志

李可芳字念莪貴池舉人授鄖陽推官以敏練稱遷簡州知州襄陽同知俱有政績其在鄖陽嘗攜池州稔種自給至今傳爲

李公黏云

江南通志

王一楨字柱明青陽人萬厯乙未進士知鄒縣勸課農桑設官莊百餘所以處民之無恆業者歲大祲安集流移賑卹備至擢兵部主事請停礦稅累遷湖廣布政禦苗靖盜制藩璫清皇木餘價十三萬及裁紙額五十餘萬並貯庫充餉以勞卒於官

統志